

Bräuche der Vergangenheit, lustig war die alte Zeit.

Die Biatschara:

Wos i euch soch will Leut, lang is schoa hara
Die Junga höwa ke Abnung gawiß
Vo dara Gschichta mit dara Biatschara
Un wie lusti as früher als zuganga is.

Das Wort Biatschara, steht in ken Lexiko
Die Alta wissa a Sprüchla davo
Zua dara Zeit hoat mer no ken Radio gakennt
Von Fernseher hoat a no kener gaströmt
Nur die Zeit, dia wor scho erfuna
Die Leut höwa sie vertriwa wias is halt kuma.

Woar im Summer die Arwat a racht schwer
Awads höwa sie gastrunka no a Hafala leer
Sie höwa sie gsetzt auf an Bankla vorm Haus
Die Nachbarschleut sen a kuma gleich raus
Sie höwa gaplaudert üwar die Arwat daus un dahöm
Blos hoat kes die Leut aus döf breng.
Das hoat der Vater nit wöl ho
Ar wor nämli a rachtschaffner Mo.
Die Junga gawa ihrn Vürschloch bakannt:
Mir singa a Lidla vo unern Frankaland
Sing höwa sie gakönnt, nauf un a nunt
Die Muattar un der Vater höwa a mitgabrummt.
Im Winter woarsch freili vorm Haus daus za kalt
Drüm gehn sie nei die Stuwa jung un alt
Sie höwa dan neua Moast prowiert
Un a weng dabei dischkuriert
Dar Nachbar hoat wieder zun Beasta gawa
Das Strächla doamals, mit die Biatschara.

Sen die Wengertsstöck voll von Träuwali ghangt
Höwa beim Lasa die ägna Händ nit galangt
Wos is dan dara schoa Übri gabliwa
Aus die Nachberschdörfer hoat mer Leut sie varschriewa.
Der Nachbar hoat a kot soan Herwestbuascha
Hoat die Träuweibutta gastrocha zur Kuafa
Awerds beim Kaltara woar dar fleißi dabei
Vier Mannsbilder höwa doa beinaner müß sei
Sie höwa dan Kaltarabama in Drehung gbracht
Die Hoalzkaltara hoat in aller Fuacha gkracht
Der Herwestbuasch hoat sie doabei üwarleacht
Wie mer dan gaprasta Träuwelskuacha zerleacht
Ar denkt ganz brengt dan ke Mensch mer ro
Drüm richt ar die Froach o dan Winzermo
Der seacht dia Froach baantwort i gara
Doazua bzaucht mer nämli a Biatschara
A Biatschara, seacht der Herwestbuasch
Ja knaukt der Herr, dia hoat mei Schwocher Schuasch.
Am anara Awed woarsch soa weit
Die Biatschara tritt in Tätichkeit.
Mit a Scheurakrara schicka sie dan Herwestbuasch
Söll die Biatschara haol, beim Schwocher Schuasch

Dort höwa sie dan Buascha freundli bagrüßt
 Ar hoat gleich mit nei die Stuwa gamüßt
 Die Scherakraza loast ar freili haus steha
 Mit souwos kan mer nit nei die Stuwa geha.
 An Schuasch sei Mädla brengt an Kruach Wei
 An Läb Broat leacht sie hi, so nawabei
 Seacht, aß a Stück Broat un trink dabei
 Doa kriachst Kraft, gleich für drei.
 Dar Herwastbuasch, dar seacht gleich ja
 Un denkt, Dunerlader, dia gfallet mir a
 Ganz häs würds ihn un ar schnapt noach Luft
 Owar an Schuasch sei Mädla is verduft.
 Ar merkt bei ihn is öbas in Noat
 Drüm trinkt ar fleißiun ist a Stück Broat.
 Jetzt künt dar Schuasch un strahlt im Gesicht
 Soa Buasch, die Biatschara is garicht
 In deiner Kraza is sie varschwunda
 Un owa mit an Schüarz zuagabunda.
 Zun zwät hewa sie die Scheurakraza auf
 Un dar Herwastbuasch haut ab gleich drauf.
 Unterwags merkt ar immer mehr,
 Daß die Biatschara is racht schwer.
 Jetzt woasch ihn als heat ar ganz deutli gschbüht
 Daß in dara Kraza sie öbas hoat garührt.
 Ja gleich drauf, doa hoat ar dos bestimmt gawißt
 In dar Scheurakraza hoat die Biatschara ganiest.
 Half Gott will ar soch, doch ar reißt sie zamm
 Un brummt, daß mersch deutli hör a kann:
 I muaß jetzt wirkli a bissla ausschnauf
 Ar stellt die Kraza auf an Brunnstee nauf.
 Weil ar wäs jetzt, daß mer ihn hoat galumt
 Hoat ar Wasser jetzt nei die Kraza gapumt.
 Jetzt rührt sis gewalti hiner dara Kraza ihrer Weida
 Sie rumpelt un schwankt noch alli Seit
 Ar hoat sie ogschrengt gekämpft wie Held
 Daß die Kraza nit ro vom Brunnstee felt.
 Jetzt künt a Ruck vo unta rauf
 Un dar Buasch merkt gleich drauf
 Dar Schürz von dara Kraza is ausanener
 Un zwä Orm fuchtle will durchanener
 Ar gihat an Kopf un a Stück von a Klädla
 Un wäs jetzt, dos is ja an Schuasch sei Mädla
 Schnell ziaht ar sie raus aus dara Kraza
 Un drückt sie hi fest o sein Haza
 Ar denkt, leicht is dos Mädla so alle
 Dabei woar in dara Kraza no a Trumm Stee.
 Dan Mädla gefellts a in danseiner orm
 Weil sia tropfnos is un dar schöa worm.
 Schnell treacht ar dos Mädla dan Wag retur
 Secht Schuasch, die Biatschara braucht Repratur
 I hol mir sie wieder, i möch sie von Haza
 Ower i kum nacher nit mit die Scheuerakraza
 Un noß würd sie a nisme, dos kon i euch soch
 Die Brautschesa hoat nämli a Doch.

So hoat sie dia Gschichta zum Schluß doch galohnt
 Weil dos Mädla in Retscht dann als Bäurin gewohnt.